

Dem Här Pettinger seng Wourecht

Mat Staunen hun mir den Artikel am Lëtzebuenger Wort gelies. Do ass den Här Minister Bausch sech jo nawell séier eens gewiescht mam nächste Buergermeeschter vun der Stengeforter Gemeng. Hien huet keng Zäit verluer an direkt offensiv deklaréiert dass elo d'Containerduerf ka gebaut ginn. Well déi viregt Koalitioun huet jo net gewollt. Dass hien als Minister den Feeler gemaach huet, a keng Ëmweltetüde ugefrot huet, an domadder den Projet an d'Aus gefouert huet, seet hie kengem. Elo gesäit hien direkt mat sengem grénge Schaffen d'Méiglechkeet vir der Gemeng esou en Projet opzedrécken. Hien bleift vill Äntwerte schëlleg, der viregter Koalitioun, mee awer och der jëtzegeger.

An den zukünftegen Buergermeeschter huet dozou soss näischt ze behaupten hien hätt keen Abléck an den Dossier gehat. Dëst ass eng fatzeg Ligen well hien souz mat sengen Parteikollegen an engem Aarbechtsgrupp vun CSV, DP an LSAP derbäi an do ass iwwert alles geschwat ginn. Do ass mat oppene Kaarten gespillt ginn. Et ass beileiwen net esou gewiescht, wéi hie behaupt huet. Wann hien sech Bedenkzäit wëllt eraus huelen, ass dat jo OK, da soll hien dat soen, mee net mat esou enger bëlleger Method vir ze behaupten déi aner si Schold an ech konnt net dofir.

Dat ass jämmerlech, wann een esou eppes behaupt. Wann een an engem Aarbechtsgrupp setzt, an net informéiert ass, ass dat engem seng eegen Schold.

Demokratesch Partei

Stengefort